

Broj: 101- 9742/26 DŽS *brs* .
Zenica, 14.09.2026. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22, 50/24), na Preporuku Komisije za nabavku broj: 601-9740-1/26 DŽS od 14.09.2026. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 601-9740/26 DŽS od 14.09.2026. godine u postupku dodjele okvirnog sporazuma za nabavku materijala za kućne priključke, i prihvata se preporuka Komisije za nabavke da se okvirni sporazum zaključi sa ponuđačem:

BIHEXO d.o.o.

kao najbolje ocijenjenom ponuđaču, prema ponudi protokoliranoj pod brojem: 601-8086/26 od 30.07.2026. godine, za ponuđenu cijenu od 60.951,00 KM bez uračunatog PDV-a.

II

Prijedlog okvirnog sporazuma dostavit će se na potpis izabranom ponuđaču u skladu sa članom 98. Zakona o javnim nabavkama BiH.

III

Za izvršenje ove Odluke zadužuje se Komisija za nabavke, Odjeljenje za pravne poslove i ljudske resurse, te Odjeljenja za komercijalu i finansije u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj: 39/14, 59/22, 50/24).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-7197/26 SA od 08.07.2026. godine. Javna nabavka je provedena putem otvorenog postupka sa zaključivanjem okvirnog sporazuma na period od 12 mjeseci.

Procijenjena vrijednost javne nabavke bez uračunatog PDV-a je 61.000,00 KM.

Dana 09.07.2026.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-274-3-125/26 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 30.07.2026. godine.

Rok za dostavljanje ponuda je bio 30.07.2026. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1. VODOEX d.o.o.
2. BIHEXO d.o.o.

Komisija za nabavku imenovana je Odlukom broj: 101-8400/26 ME od 06.08.2026. godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),

- da su blagovremeno zaprimljene 2 (dvije) ponude,
- da nema neblagovremeno zaprimljenih ponuda 0 (nula),
- ukupno 10 (deset) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 14.09.2026. godine direktoru preduzeća dostavila Zapisnik o ocjeni ponuda broj: 601-9740/26 DŽS od 14.09.2026. godine sa preporukom o izboru najpovoljnijeg ponuđača, u kojem je utvrđeno sljedeće:

Ponuđač VODOEX d.o.o. je ponudio proizvod FAF 7310 koji ne ispunjava zahtjev iz tehničke specifikacije za automatski usisno-odzračni ventil. Naime, prema kataloškom listu proizvođača, za model FAF 7310 izričito je navedeno: „This type has no air vacuuming function“, odnosno da navedeni model nema funkciju usisavanja zraka. Budući da je zahtijevana automatska usisno-odzračna funkcija, ponuđen je neodgovarajući proizvod koji ne ispunjava osnovnu tehničku specifikaciju. Osim navedenog, dostavljeni dokument za stavku 5.2 Ulična kapa za zasune ne sadrži podatke na osnovu kojih bi se moglo nedvosmisleno utvrditi da predstavlja kataloški list proizvođača. Na dokumentu nisu navedeni naziv, logo ili drugi identifikacioni podaci proizvođača, kataloška oznaka niti izvor dokumenta. Zbog toga nije moguće utvrditi da je dostavljeni dokument izdao proizvođač, a ne ponuđač, i da ispunjava uslov iz tenderske dokumentacije prema kojem uopšteni kataloški materijal i kataloški materijal koji izradi ponuđač nisu prihvatljivi.

Iz gore navedenih razloga ponuda ponuđača VODOEX d.o.o. je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Uvidom u priloženu dokumentaciju postupka broj: 402-7197-1/26 SA od 08.07.2026. godine, a tokom preliminarog pregleda i ocjene prispjelih ponuda, Komisija po članu 66. Zakona o javnim nabavkama („Sl. glasnik BiH“, 39/14, 59/22), i članu 17. Uputstva za pripremu modela tenderske dokumentacije i ponuda („Sl. glasnik BiH“, broj: 90/14), nije našla osnovan razlog da izrazi sumnju da je cijena dostavljenih ponuda neprirodno niska.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. BIHEXO d.o.o., sa ukupnom cijenom ponude u iznosu od 60.951,00 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku materijala za kućne priključke, dao ponuđač BIHEXO d.o.o. jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi okvirni sporazum.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom i člana 32. i člana 64., stav 1., tačka (b) Zakona o javnim nabavkama BiH („Službeni glasnik BiH“, broj: 39/14, 59/22, 50/24) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.


DIREKTOR:
Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Tehnički direktor
- 1 x Dir.za razvoj i invest.
- 1 x Pom.dir. za pravne poslove
- 1 x Pom.dir. za ekonomske poslove
- 1 x Odjeljenje za javne nabavke
- 3 x Članovima Komisije
- 1 x Sekretar Komisije
- 1 x a/a